

Na osnovu člana 93. Zakona o prostornom uređenju — prečišćeni tekst (»Službeni list SRBiH«, broj 9/87), i člana 181. Statuta opštine Hadžići (»Službene novine grada Sarajeva«, br. 10/82, 16/84, 25/85 i 29/85), Skupština opštine Hadžići na sjednicama Vijeća udruženog rada, Vijeća mjesnih zajednica i Društveno-političkog vijeća, održanim 28. juna 1989. godine, donijela je

ODLUKU

O USVAJANJU REGULACIONOG PLANA PROSTORNE CJELINE BINJEŽEVO

Član 1.

Usvaja se regulacioni plan prostorne cjeline Binježevo.

Član 2.

Regulacionim planom iz prethodnog stava usmjerava se budući razvoj ovog područja, te određuje organizacija i prostorne komponente, odnosi i uticaji na neposredne kontaktne zone, primarne i infrastrukturne sisteme i uslove zaštite po svim osnovama.

Član 3.

Regulacioni plan predstavlja osnovu za sve intervencije u prostoru. Intervencijama u prostoru smatraju se svi radovi kojima se mijenja postojeće stanje u prostoru i za koje se shodno propisima traži urbanistička saglasnost. Regulacioni plan je osnova za pribavljanje građevinskog zemljišta i njegovu parcelaciju.

Član 4.

Regulacioni plan sadrži sve elemente i prijedloge propisane članom 91. Zakona o prostornom uređenju — prečišćeni tekst.

Član 5.

Regulacioni plan obuhvata prostor od 32 ha, a ograničavaju ga: zelena padina sa sjeverne strane, determinisan položaj željezničkog kolosijeka iz pravca Grada ka Blažuju sa južne strane, istočno graniči sa regionalnim putem Sarajevo — Kiseljak, a zapadno sa stvarnom aglomeracijom Binježevo.

Član 6.

Usvojen i ovjeren elaborat čuvaće se u dokumentaciji Skupštine opštine Hadžići i Zavoda za planiranje razvoja grada Sarajeva.

Član 7.

Ova odluka stupa na snagu osmog dana od dana objavljivanja u »Službenim novinama grada Sarajeva«.

Broj 01-023-23/89
28. juna 1989. godine.
Hadžići

Predsjednik
Vijeća udruženog rada,
Sabaheta Glavaš, s. r.

Predsjednik
Vijeća mjesnih zajednica,
Seid Tiro, s. r.

Predsjednik
Društveno-političkog vijeća,
Dragana Kuljanin, s. r.

Na osnovu člana 86. Zakona o prostornom uređenju — prečišćeni tekst (»Službeni list SRBiH«, broj 9/87) i člana 181. Statuta opštine Hadžići (»Službene novine grada Sarajeva«, br. 10/82, 16/84, 25/85 i 29/85), Skupština opštine Hadžići na sjednicama Vijeća udruženog rada, Vijeća mjesnih zajednica i Društveno-političkog vijeća, održanim 28. juna 1989. godine, donijela je

ODLUKU

O USVAJANJU URBANISTIČKOG PROJEKTA LOKALITETA A-1 U HADŽIĆIMA

Član 1.

Usvaja se Urbanistički projekat Lokaliteta A-1 u Hadžićima.

Član 2.

Urbanističkim projektom iz prethodnog stava usmjerava se budući razvoj ovog područja, koje je dio mjesne zajednice Zunovnica, te određuje prostorna organizacija i prostorne komponente, odnosi i uticaji na neposredne konkretne zone, primarne infrastrukturne sisteme i uslove zaštite.

Član 3.

Ovaj urbanistički projekat predstavlja osnovu za sve intervencije u prostoru.

Intervencijama u prostoru smatraju se svi radovi kojima se mijenja postojeće stanje u prostoru i za koje se shodno propisima traži urbanistička saglasnost.

Osnova je i za pribavljanje građevinskog zemljišta i njegovu parcelaciju.

Urbanistički projekat će se realizovati putem detaljnih arhitektonskih i drugih rješenja za dio tog područja.

Član 4.

Urbanistički projekat sadrži sve elemente i priloge propisane članom 94. Zakona o prostornom uređenju — prečišćeni tekst.

Član 5.

Urbanistički projekat obuhvata prostor između ulica JNA (regionalnog puta 442-a) i Igmanske i to od njihovog raskršća do prve poprečne ulice koja ih spaja.

Član 6.

Usvojen i ovjeren elaborat čuvaće se u dokumentaciji Skupštine opštine Hadžići, Zavoda za planiranje razvoja grada Sarajeva i Zavoda za izgradnju grada Sarajeva.

Član 7.

Ova odluka stupa na snagu osmog dana od dana objavljivanja u »Službenim novinama grada Sarajeva«.

Broj 01-023-24/89
28. juna 1989. godine.
Hadžići

Predsjednik
Vijeća udruženog rada,
Sabaheta Glavaš, s. r.

Predsjednik
Vijeća mjesnih zajednica,
Seid Tiro, s. r.

Predsjednik
Društveno-političkog vijeća,
Dragana Kuljanin, s. r.